



জাপানের সঙ্গে প্রতিরক্ষা চুক্তি সই করল ভারত



ছবি: সংগৃহীত

দ্বিপক্ষীয় সম্পর্ক আরও শক্তিশালী করতে প্রতিরক্ষা সহযোগিতাসহ একাধিক গুরুত্বপূর্ণ খাতে নতুন চুক্তি করেছে ভারত ও জাপান। প্রতিরক্ষার পাশাপাশি কৃত্রিম বুদ্ধিমত্তা (এআই), জ্বালানি, বাণিজ্য ও অর্থনৈতিক উন্নয়নেও যৌথভাবে কাজ এগিয়ে নেওয়ার বিষয়ে দুই দেশ সম্মত হয়েছে।

বৃহস্পতিবার (২ জুলাই) ভারতের প্রধানমন্ত্রী নরেন্দ্র মোদি এবং জাপানের প্রধানমন্ত্রী সানো তাকাইচি এসব চুক্তিতে স্বাক্ষর করেন। ভারতের প্রধানমন্ত্রীর কার্যালয় জানিয়েছে, ভবিষ্যতে কৌশলগত ও অর্থনৈতিক অংশীদারিত্ব আরও বিস্তৃত করাই এসব উদ্যোগের মূল লক্ষ্য।

জাপানের প্রধানমন্ত্রীর এই ভারত সফরকে দুই দেশের চলমান সহযোগিতার ধারাবাহিকতা হিসেবে দেখা হচ্ছে। এর আগে টোকিও সফরে নরেন্দ্র মোদির সঙ্গে বৈঠকে আগামী এক দশকে ভারতে জাপানের বিনিয়োগ উল্লেখযোগ্য হারে বাড়ানোর প্রতিশ্রুতি দেওয়া হয়েছিল।

ভারত সরকারের প্রকাশিত তথ্য অনুযায়ী, ২০২৫-২৬ অর্থবছরে ভারত ও জাপানের মধ্যে দ্বিপক্ষীয় বাণিজ্যের পরিমাণ ২৭ দশমিক ৫ বিলিয়ন মার্কিন ডলারে পৌঁছেছে। একই সময়ে ভারতে জাপানি বিনিয়োগের পরিমাণ ছিল প্রায় ৩ দশমিক ২ বিলিয়ন ডলার, যা দুই দেশের অর্থনৈতিক সম্পর্কের ধারাবাহিক অগ্রগতির প্রতিফলন।